

## **Давлат тест имтихонларида муҳофаза таъминланди**

Истиқлолга эришганимиздан сўнг ёш авлодга, айниқса, уларнинг таълим тарбиясига катта эътибор қаратиб келинмоқда. Бугун кележагимиз ворисларининг ҳар жihatдан етук кадрлар бўлиб этишиб чиқишлари учун барча шароитлар муҳайё. Миллий минталитетимизга йўғрилган, Ўзбекистон Республикаси “Таълим тўғрисида”ги Қонуни ҳамда Кадрлар тайёрлаш миллий дастури асосида олиб борилаётган таълим соҳасидаги барча ислохотлар замирида ёш кадрларнинг порлоқ келажагини кўрмоқдамиз.

Дарҳақиқат, ёшлар ҳар бир давлатнинг келажагини, салоҳиятини белгиловчи муҳим ижтимоий қатлам саналади. Жамиятнинг ҳолати, тақдир ва истиқболи эса унда яшаётган ёшларнинг салмоғи, маънавияти ва онглилиги даражаси билан белгиланади.

Ҳар йили 1-август санасида мамлакатимиздаги барча олийгоҳларда кириш имтихонлари учун давлат тест синовлари бўлиб ўтади. Айни ушбу жараён ҳам мамлакатимиз ривожига ўз ҳиссасини қўшишда самарали меҳнат қилишга бел боғлаган барча абитуриентлар учун катта синов бўлиб, йилдан йилга унинг кўлами кенгайиб бормоқда. Бу йил ҳам ҳар йилгига нисбатан тест синовлари юқори савияда қизгин тарзда ташкил этилди.

Тест синовлари бўлиб ўтган бино аτροφлари ободонлаштирилиб, абитуриентларнинг ота-оналари ва яқинларининг дам олишлари учун барча шарт-шароитлар яратилди. Жумладан, имкон даражасида салқин жойлар, соябонлар, ўриндиқлар, санитария-эпидемиология маркази томонидан рухсат этилган салқин ичимликлар ва энгил озиқ-овқат маҳсулотлари савдоси ташкил этилди. Тест синовлари ўтказилаётган барча жойларда ҳудудий Ички ишлар, Фавқулодда вазиятлар вазирликлари Ёнғин хавфсизлиги хизмати ходимлари билан ҳамкорликда хавфсизлик чоралари кўрилди. Шунингдек, жамоат тартибини сақлаш ва хавфсизликни таъминлаш мақсадида зарур кучлар ва техника воситалари жалб этилди. Тест синовлари ўтказилган ҳудудларда Соғлиқни сақлаш вазирлиги ходимларининг фаолияти таъминланди. Тест материаллари жойларга

ўз вақтида етказиб берилиб, уларнинг даҳлсизлиги таъминланди ва барча хавфсизлик чоралари белгиланиб, шу асосда ишлар олиб борилди.

Хусусан, пойтахтимизда жойлашган барча олийгоҳларда ҳам кириш имтихонлари кўтаринки руҳда ўтказилди. Албатта уларда барча тегишли хизматлар сингари Фавқулодда вазиятлар вазирлиги ходимларининг ҳам хиссасини алоҳида таъкидлаш лозим. Соҳа ходимларининг айна жараёнларда хавфсизлик чораларини олиб бораётган ишлари билан яқиндан танишиш мақсадида шаҳримиздаги айрим олийгоҳлар томон йўл олидик ва ҳамкасбларимизни суҳбатга тортдик.

***Тошкент шаҳар Фавқулодда вазиятлар бошқармаси бошлигининг биринчи ўринбосари Акбар Юнусов.***

— Айтиш керакки бу йилги давлат тест имтихонлари ҳар йилгига нисбатан ўзгача ташкил этилди. Бу эса ҳукуратимизнинг йилдан йилга таълим олиш иштиёқида бўлган ёшларга бераётган юксак эътиборидан далолатдир. Шаҳсан мен ўзим ҳам бугун бўлаётган давлат тест синовлари даврида уларнинг хавфсизлигини таъминлашда ўз хиссамни кўшаётганлигимдан ҳурсандман. Мустақил ҳаёт остонасида турган ўғил-қизларнинг юз-кўзларида илмга бўлган иштиёқ ва келажакка бўлган юксак ишончларини кўриб беихтиёр қувонасан киши. Тошкент ахборот технологиялари университетиде ушбу йилда 9059 нафар абитуриент ўз ҳужжатларини топширдилар. Қарийб 18000 нафар ота-оналар учун эса махсус кутиш ва овқатланиш жойлари ташкил этилди. Имтихон аввалида университетнинг фуқаро муҳофазаси тузилмалари билан хавфсизлик бўйича йўриқнома ўтказилиб, барчага ўз вазифалари белгилаб берилди. – Мазкур университет марказий автомобил йўли ёқасида жойлашганлиги сабабли биз асосий эътиборни йўл транспорт ходисаси билан боғлиқ фавқулодда вазиятларнинг олдини олишга қаратганмиз. Бундан ташқари университет рўпарасида жойлашган Аква паркка қарашли автотураргоҳ ҳам айна имтихон жараёнлари пайтида меҳмонлар ихтиёрига топширилди. Тест синовлари уюшқоқлик билан, тартибли, холисона ва адолатли тарзда, амалдаги тартиб-қоидаларга мувофиқ юксак савияда ўтказиляпти.

*Тошкент шаҳар Фавқулодда вазиятлар бошқармаси ходими Бегзод Абдуллаев:*

— Аини дамда Мирзо Улуғбек тумани йиғма меҳанизатсиялашган отряди, хусусан ички ишлар, ёнғин хавфсизлиги, соғлиқни сақлаш, Давлат санитария эпидемиология ҳамда солиқ хизматлари билан ҳамкорликда биз хавфсизлик чораларини олиб бораётган Тошкент иригатсия ва мелиоратсия институтида ҳам давлат тест синовлари ҳар йилгидан фарқли ўлароқ аъло даражада ташкил этилди.

– Абитуриентларнинг ота-оналари учун махсус жойлар ташкил этил этилган бўлиб, бу эса ўз ўрнида фарзандларини бемалол кутиб, мароқ чиқаришлари учун қулайлик яратади. Қолаверса, Тез ҳаракат қилиш республика кўп тармоқли маркази қутқарувчилари ҳам ушбу институтга бириктирилган бўлиб, аини дамда юз бериши мумкин бўлган турли фавқулодда вазиятларнинг олдини олишга шай туришибди. Ўйлаймизки бу йил ҳам барча абитуриентларимиз давлат тест синовларини ҳеч қандай хавф-хатарсиз топшириб чиқадилар.

Ҳа, ҳамкасбларимизнинг бундай қатъиятли ва ўзига ишонч билан айтган сўзларини тинглар эканмиз, талаба бўлиш орзусида келган барча абитуриентлар ҳақиқатан ҳам Ватанимиз посбонларининг қатъий назоратида эканлигига яна бир қарра амин бўлди. Ёшлар жамиятнинг эртанги келажаги, унинг фаол аъзоси, таъбир жоиз бўлса жамият эртасининг муносиб ворисларидир. Биз эса ана шу келажагимиз ворисларига омадлар тилаб қоламиз.